

疆
邦
華
書



誠齋樂府目錄

歸去來兮引

念奴嬌

好事近

昭君怨二

武陵春

水調歌頭

憶秦娥

誠齋樂府

廬陵 楊萬里 廷秀

歸去來兮引

儂家貧甚訴長飢幼穉滿庭闈正坐餅無儲粟漫求爲吏東西

偶然彭澤近鄰圻公秫滑流匙葛巾勸我求爲酒黃菊怨冷落東籬五斗折腰誰能許事歸去來兮

老圃半榛茨山西欲蒺藜念心爲形役又奚悲獨惆悵前迷不諫後方追覺今來是了覺昨來飛

扁舟輕颺破朝霏風細漫吹衣試問征夫前路晨光小恨熹微

乃瞻衡宇載奔馳迎候滿荆扉已荒三徑存松菊喜諸
幼入室相攜有酒盈尊引觴自酌庭樹遣顏怡

容膝易安棲南窗寄傲睨更小園曰涉趣尤寄儘雖設
柴門長是閉斜暉縱遐觀矯首短策扶持

浮雲出岫豈心口鳥倦亦歸飛翳翳流光將入孤松撫
處淒其

息交絕友塹山溪世與我相違駕言復出何求者曠千
載今欲從誰親戚笑談琴書觴詠莫遣俗人知

解后又春熙農人欲載菑告西疇有事要耘耔容老子
舟車取意任委蛇歷崎嶇窈窕北壑隨宜

欣欣花木向榮滋泉水始流澌萬物得時如許此生休

笑吾衰

寓形宇內幾何時
豈問去留爲委心
任運無多慮顧皇
皇將欲何之大化
中閒乘流歸盡喜
懼莫隨伊

富貴本危機雲鄉
不可期趁良辰孤
往恣遊嬉獨臨水
登山舒嘯更哦詩
除樂天知命了復
奚疑

念奴嬌上章乞休致戲作念奴嬌以自賀

老夫歸去有三徑
足可長拖衫袖一
道官衙清徹骨別
有監臨主守主守
清風監臨明月兼
管栽花柳登山臨
水作詩三首兩首
休說白日昇天莫
誇金印斗大懸雙
肘且說廬陵傳盛
事三箇閒人眉壽
揀罷軍員歸農押
錄致政誠齋叟只
愁醉殺螺江門外
私酒

好事近

七月十三日夜登萬花川谷望月作

月未到誠齋先到萬花川谷不是誠齋無月隔一林修竹如今纔是十三夜月色已如玉未是秋光奇絕看十五十六

昭君怨賦松上鷗

晚飲誠齋忽有一鷗來泊松上已

而復去感而賦之

偶聽松梢撲鹿知是沙鷗來宿稚子莫喧譁恐驚他俄頃忽然飛去飛去不知何處我已乞歸休報沙鷗又詠荷上雨

午夢扁舟花底香滿西湖煙水急雨打篷聲夢初驚卻是池荷跳雨散了眞珠還聚聚作水銀窩瀉清波

武陵春老夫茗飲小過遂得氣疾吟終夕越吟而長孺

子有書至答以武陵春因呈子西

長鋏歸乎踰十暑不著鷄鶩冠道是今年勝去年特地
減清懽舊賜龍團新作崇頻啜得中寒瘦骨如柴痛
又酸兒信問平安

水調歌頭賀廣東漕蔡定夫母生日

玉樹映階秀玉節逐年新年年九月好爲阿母作生辰
澗底蒲芽九節海底銀濤萬頃釀作一杯春泛以東籬
菊壽以漆園椿對西風吹鬢雪炷香雲郎君入奏又
迎珠幃入修門看卽金花紫誥併舉莆常兩國冊命太
夫人三點台星上一點老人星

憶秦娥

初春

新春早春前十日春歸了春歸了落梅如雪野桃紅小
老夫不管春催老只圖爛醉花前倒花前倒兒扶歸
去醒來窗曉

从花庵詞選補

平園近體樂府目錄

朝中措

滿庭芳

謁金門

點絳脣


朝中措

醉落魄

西江月

四

二



平園近體樂府

廬陵 周必大 子充

二老堂會七兄樂語

戊午

伏以履道七人之宴播唐代之詩章耆英諸老之游形
聖朝之圖畫眷此二難之集居然四者之并晞洛汭之
高風作廬陵之佳話恭惟致政提舉監丞致政少傅國
公世傳素業仕偶清時戎監銓曹內同超於閭闔州麾
使節外俱綰於絲綸念異時襲韋布以起家喜今日挂
衣冠而居里問一得三遠其子懷哉學禮於童蒙踰七
望八孰非翁幸矣得年於耄耄乃迎長至爰秩初筵芟
堂之酒親斿梅塢之花對插莫問三山五竺此會何如

庶幾四皓二疏其風未墜某等雖居下俚均仰高明不
度蕪才敢呈口號

早似機雲入帝鄉晚如廣受出咸陽舊游應憶魚同隊
倦翼還欣雁著行甲子八百九十朔醉鄉三萬六千場
新陽漸漏春消息二老風流日月長

朝中措

勸酒

乘成臺上曉書雲黃色映天庭已謝浮名浮利也知來
應長生邊庭臥鼓餘糧棲畝朝野歡聲從此四時八
節弟兄常醉金觥

滿庭芳

子中兄自安仁遺書云將以重九登高祝融峰

且有借瓊佩霞裾之語戲往一闕以解嘲

天壤茫茫人心殊觀未免因欠思餘太山北垤同載一
方輿那更長沙下溼祝融峰纔比吾廬秋風冷攀緣汗
浹應歎苦區區登高聊爾耳何須蠟屐誰暇膏車默
存處清都宛在須臾笑約乘鸞羽客窺倒景拊掌崎嶇
歸來把萸囊菊盞一爲洗泥塗

謁金門

和從周宣教謁金門詞祝千歲壽請呼段馬二

生歌之

梅乍吐趁壽席香風度人與此花俱獨步風流天付與
好在青雲歧路願共作和羹侶歸訪赤松辭萬戶鶯
花猶是主

點絳脣葛守坐上出點絳脣道思歸之意走筆次其韻

報答風光滿傾瓊液休思睡亂鶯聲碎來往甘棠底
聞道中和深簡君王意歸舟起到時應是玉殿槐交翠

又

醉上蘭舟羨他沙暖鴛鴦睡月波金碎愁海深無底

太守新詞解釋無窮意高歌起浮雲閒事渾付煙中翠

又赴池陽郡會坐中見梅花賦

丁亥九月己丑

踏白江梅大都玉斲酥凝就雨肥霜逗癡了闌房秀

莫待冬深雪壓風欺後君知否卻嫌伊瘦仍怕伊僝

又乙夜趙富文出家姬小瓊再賦

丁亥七月己丑

秋夜乘槎客星客到天孫渚眼波微注將謂牽牛渡
見了還非重理霓裳舞都無誤幾年一遇莫訝周郎顧

朝中措賤生之日蒙季懷示朝中措新詞今借嚴韻以

侑壽聿敬述雅志非泛泛祝詞也

戊子

月眉新畫露珠圓今夕正相鮮

詩見杜

欲導唐家誕節先

生漢相韋賢懸知此去鶯遷春谷鶚在秋天班首算

來旬歲狀頭看取明年

又胡季懷以朝中措爲壽八月四日復次其韻季懷常

以宰相自期故每戲之

巳丑

九重深念朔庭空良弼夢時中

季懷有時中堂擢第難遵常制

築巖直繼高風明年東府金釵珠履列鼎鳴鐘良醞

儻分焦革早禾休浸曹公

季懷近送酒如醢詰之則云祗名早禾酸

醉落魄次江西帥吳明可韻

庚寅四月

山川迴別赤城自古雄東越鍾英儲秀簪紳列何事黃
扉殊未相黃髮如今衮職那容缺人心恰與天時合
看看孚號彤庭發初破天荒留與後來說明可台州人
府有兩

又

才高句傑飛黃卻應鸞和節新詞聊卷波瀾闊泉玉琮
琤猶不比清切相逢未穩愁相別南園煙草南樓月
陽關西出重吹徹垂柳新栽寧忍便攀折明可新
創南園

西江月暮春魯氏坐上次胡邦衡韻

三月羣賢畢集二天五馬生光傳觴擊鼓底密忙畫鷁
將飛江上魯國方虛兩社齊人要復侵疆延英引對

上東廊應念幽人相望

又再賦送行

籍甚新除刺史歸然舊殿靈光詔書催發櫂謳忙沙路
從今穩上有喜刊除戎索無勞遠撫閩疆日高龍影
轉槐廊想見清光注望